



Oos mam Sjan.

Woeëd i 1922 geboare i Heeële es Jeanette Elise Leonie Conaert.

Heure roopnaam woar Sjan.

Ut Sjan trouwde gans jonk mit d'r Sjeng Boer en ze kreege drei jongs: d'r John, 't Jooke en d'r Ger.

Wie d'r John benoa 4 woar, woeët 't Jooke geboare.

Heë sjtorf nog ging vief moand aod.

Dat hat de mam noeëts kinne vergeëte, ze hat doa vöal uöver vertelt en leed va gehat.

Wie d'r John 13 woar, woeët d'r Ger geboare.

Doa woare ze allenui erg vroeë mit.

't Sjan hat ut neet gemekkelik gehat in heur jeug.

Heur mam sjtorf jonk, mit 48 joar, en och hei houw de mam veuël leed va.

"t Sjan woar ing zörgzaam vrouw.

De pungele van der Sjeng gonge ummer zellef-gewesje en reen mit trük noa de koel.

Ut hoëshouwe woeët mit vöal plezeer gedoa: al moos blingke, de wesj moos vuëral goot zuver zieë en d'r moos good gegeëte weëde.

D'r Sjeng, de kinger, kling- en achterklingkinger mochte nieks tekot komme.

De Krismes woar 't hoeëgtepunt va ut joar: da woeët igekoch, knien gemak, woeëte kado's gegolle en gegeëve en Krisleedjes geloesterd en gezonge.

Da doog ze zich gans sjiek aa.

't Sjan woar proaper op heur eige lief en bes ijdel, gong ummer good gekleid en jjeëker weëk noa d'r kapper.

Gans sjtols woar ze da och went ut perseneel va de verpleegkliniek zag dat ze d'r zoeë good oëtzoog, jonger es heur 82 joar.

En doa woare vier 't allenui uöver eens.

Op 7 december, vlak vuër de Krismes, hat ut Sjan, gelukkig zonger vöal te lieje, en in 't beizieën van heur mieëts deërbare aafsjeed genoame van 't leëve.